



ՀԱՍՏԱՏՈՒՄ ԵՄ՝

Շրջակա միջավայրի նախարարի
պարտականությունները կատարող

Արամ Մեյմարյան

« 01 » 12 2023թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 0222-23

Ձեռնարկողը՝

«ԱՐԾԱԹԵ ԲԱՆԱԼԻ» ՍՊԸ

Արագածոտնի մարզ, Ապարան համայնք, Լուսավորչի փող., 6-րդ նրբ., տուն 4

Գործունեությունը՝

«Արծաթե բանալի» բազալտների երևակման 1-ին
և 2-րդ տեղամասերի երկրաբանական
ուսումնասիրության շրջակա միջավայրի վրա
ազդեցության նախնական գնահատման հայտ
Շիրակի մարզ«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի տնօրեն

Խաչիկ Մարտիրոսյան

Առդի՝ եզրակացությունը 5 թերթ:

02543163
ՓՈՐՁԱՐԱՆԱԿԱՆ
ԵԶՐԱԿԱՍՈՒԹՅՈՒՆ
ԱԿԼՈՒԾՈՒԹՅԱՆ
ԵԿՍՊԵՐՏԻԶԻ
COMMISSION
OF EXPERTS

камень” հրահանգի, տեղամասն ըստ երկաթաբանական կառուցվածքի բարդության վերագրվում է 1-ին խմբին:

Հայցվող տեղամասերի ծայրակետերի կոորդինատները՝ ARM WGS-84 կոորդինատային համակարգով:

1-ին տեղամաս		
1	8400431	4536139
2	8400444	4536453
3	8400863	4536500
4	8400796	4536173
S=12,40հա		
2-րդ տեղամաս		
1	8401160,40	4536384,700
2	8401301	4536565
3	8401625	4536445
4	8402179	4536350
5	8401986,30	4536210
S=15,09 հա		

«Արծաթե բանալի» հետախուզվող տեղամասում բազալտները խորքում հետախուզելու նպատակով նախատեսվում է հորատել մինչև 15մ խորությամբ 18 հորատանցք, ընդհանուր 270զծ.մ մոտավոր ծավալով: Հորատումն իրականացվելու է ինքնաշարժ հորատող հաստոցներով կարծր համաձուլվածքի թագիկներով:

Հորատման աշխատանքները կիրականացվեն մասնագիտացված մասնավոր կազմակերպությունների կողմից պայմանագրային հիմունքներով: Այդ աշխատանքներով պետք է ապահովեն օգտակար մարմնի համապատասխան տիրույթից նվազագույնս 90% հորատահանուկի ելք:

Պիտանի բլոկների ելքի տոկոսը որոշելու նպատակով անհրաժեշտ է նախատեսել փորձնական բացահանքի անցում թարմ ապարների մեջ: Փորձնական բացահանքի չափերն են՝ մակերեսը 40մ² իսկ ծավալը 100մ³: Փորձնական հանույթը պետք է կատարվի առանց պայթեցման աշխատանքների, հորատասեպային եղանակով: Լեռնային զանգվածը 100մ³ ծավալով տեղափոխվելու է քաղաք Ամասիա (3.0կմ հեռավորության վրա հանքավայրից), KAMAZ մակնիշի բեռնատար ավտոմեքենայով:

Երկրաբանական փաստագրման աշխատանքները նախատեսվում է կատարել 1:100 մասշտաբով: Այդ աշխատանքների ծավալներն են. 270զծ.մ հորատանցքեր և 20զծ.մ փորձնական բացահանք, ընդամենը 290զծ.մ:

Օգտակար հանածոյի որակական, ֆիզիկամեխանիկական, քիմիական և պետրոգրաֆիական հատկությունների որոշման նպատակով բոլոր հորատանցքերը կենթարկվեն հանուկային մենակտորային նմուշարկման: Հորատանցքերը կենթարկվեն համատարած և կետային (ընդհատվող տիրույթներով) նմուշարկվող առավելագույնը 5մ երկարությամբ հանուկային նմուշներով:



Նախատեսվում է 54-նմուշների ֆիզիկամեխանիկական հատկությունների ուսումնասիրություն, 2-ական նմուշների քիմիական և պետրոգրաֆիական ուսումնասիրություն և 2 նմուշ ճառագայթահիգիենիկ ուսումնասիրության համար:

Կլառուցվի 18 հորատման հարթակ մեխանիկական եղանակով, 4-րդ կարգի ապարներում: Մեկ հորատման հրապարակի մակերեսը կկազմի 48մ²: Ընդհանուր մակերեսը կկազմի 864մ², ծավալը 172.8մ³:

Անցած լեռնային փորվածքները, հանուկը պետք է ենթարկվեն ռադիոմետրական չափումների՝ ճառագայթահիգիենիկ հատկությունները պարզաբանելու համար:

Մոտակա ջրային մարմինը՝ Ախուրյան գետի ծախ վտակը, գտնվում է հայցվող տարածքից հարավ, ամենամոտ կետը մոտ 200մ հեռավորության վրա:

Աշխատակիցների կենցաղային կարիքների համար անհրաժեշտ խմելու ջուրը կբերվի մոտակա Ամասիա համայնքից, իսկ տեխնիկական նպատակներով ջրառը կիրականացվի մոտակա Գյումրի համայնքից՝ պայմանագրային հիմունքներով: Կենցաղային կեղտաջրերը նախատեսվում է կուտակել նախապես կառուցված, բետոնապատ անթափանց ջրհորի մեջ:

Ըստ հայտում եղած տեղեկատվության հայցվող տարածքում ՀՀ Կարմիր գրքերում գրանցված բույսերի և կենդանիների տեսակներ չեն հանդիպում:

Երկրաբանական ուսումնասիրության նպատակով հայցվող տարածքում բնության և պատմության հուշարձաններ հաշվառված չեն, տեղամասը ներառված չէ բնության հատուկ պահպանվող տարածքի սահմաններում:

Մոտակա բնության հուշարձանները գտնվում են հայցվող տարածքից մոտ 3.4կմ հեռավորության վրա:

Պատմամշակութային հուշարձաններով զբաղեցրած հողակտորները գտնվում են հայցվող տարածքից 5.85կմ հեռավորության վրա:

Նոր ճանապարհների կառուցում չի նախատեսվում, օգտագործվելու են գոյություն ունեցող դաշտամիջյան ճանապարհները, անհրաժեշտության դեպքում կատարվելու է դրանց բարեկարգում:

-Աղմուկի մակարդակը Բանդիվան գյուղի մոտ կկազմի 15դԲԱ:

Ռեկուլտիվացիայի ենթակա հողերի ծավալը հաշվարկվում է հորատահարթակների մակերեսից: Հողաբուսածածկի շերտը վերականգնվում է 0.2մ խորության վրա: Աշխատանքները կատարվելու են ձեռքով:

Փորձնական բացահանքի մակերեսը կազմում է 40մ²: Վերականգնման ենթակա մակերեսը կազմում է 904մ²: Վերականգնման ծավալը կկազմի 180,8մ³: Վերականգնումն իրականացվելու է ձեռքով III կարգի գրունտներով: Ռեկուլտիվացիայի գումարը կկազմի՝ 108480 ՀՀ դրամ:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

-Լեռնային տեխնիկայի շարժիչների վառոցքները պետք է լինեն կարգավորված, ինչը կնվազեցնի մթնոլորտ արտանետվող գազերի քանակը:

-Ավտոինքնաթափի և բուլդոզերի շարժիչների վրա պետք է տեղադրվեն կատալիտիկ չեզոքացուցիչներ, ինչը թույլ կտա կրճատել գազերի արտանետումները մթնոլորտ:

-Մերձատար ճանապարհը, հորատման վայրերը և փորձնական բացահանքի տարածքը կջրցանվի, ինչը թույլ է կտա կրճատել փոշու արտանետումները:



-Կենցաղային կեղտաջրերը պետք է հավաքվեն անթափանց հորի մեջ: Հետագա դատարկումը կկազմակերպվի մասնագիտացված ընկերության ուժերով:

-Փորձնական բացահանքի տարածքից միջինը 0.2մ հզորությամբ հողերի բերրի շերտը կհեռացվի, կկուտակվի բացահանքի հարակից մասում:

- Խախտված տարածքների ռեկուլտիվացիան կկատարվի երկու փուլով: Նախ հետ կլցվեն, կփովեն և կհարթեցվեն ջարդոտված, փուշտա շերտի բազալտները, այնուհետև կփովի հողաբուսական շերտը: Կկատարվի պարարտացում հնեցված գոմաղբով և կցրվեն ցորնուկային ֆորմացիայի բազմամյա բույսերի սերմեր:

- Չտեսակավորված կենցաղային աղբը կտեղափոխվի աղբավայր փակ կողեր ունեցող ինքնաթափով, կկնքվի սպասարկման պայմանագիր ծառայություն մատուցող կազմակերպության հետ:

-Աղմուկի աղբյուր հանդիսացող մեքենաների շարժիչների վրա կտեղադրվեն հատուկ ծայնամեկուսիչ պատյաններ:

-Կօգտագործվեն մեքենաներ և մեխանիզմներ, սարքավորումներ և նյութեր, որոնք համապատասխանում են անվտանգության պահանջներին և սանիտարական նորմերին:

Ընկերությունն իրականացնելու է շրջակա միջավայրի վրա բացասական ազդեցության կանխարգելմանն ու մեղմացմանն ուղղված հետևյալ մշտադիտարկումները.

-Մթնոլորտային օդի որակի մշտադիտարկումներ շաբաթական մեկ անգամ՝ 24 ժամ տևողությամբ:

-Հողային ծածկույթի մշտադիտարկումներ՝ ամսական մեկ անգամ:

-Ստորերկրյա և մակերևութային ջրերի մշտադիտարկումներ՝ տարեկան մեկ անգամ:

-Վայրի բնության, կենսամիջավայրի մշտադիտարկումներ՝ տարեկան մեկ անգամ:

Մշտադիտարկումների համար նախատեսվում է տարեկան մասնահանել 200 000 ՀՀ դրամ:

Պատճառաբանական մաս. Օրենսդրությամբ սահմանված կարգով, «Արժաթե բանալի» բազալտների երևակման 1-ին և 2-րդ տեղամասերի երկրաբանական ուսումնասիրության աշխատանքների վերաբերյալ իրականացվել են հանրային քննարկումներ Շիրակի մարզի Ամասիա համայնքի Բանդիվան բնակավայրում, որոնց ընթացքում տեղական ինքնակառավարման մարմիններն ու հանրությունը հավանություն են տվել նախատեսվող գործունեության իրականացմանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, ներքին գործերի, կրթության, գիտության, մշակույթի և սպորտի նախարարությունները, կադաստրի կոմիտեն և Շիրակի մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն երկրաբանական ուսումնասիրության աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Երկրաբանահետախուզական աշխատանքների իրականացման ընթացքում անհրաժեշտ է պարբերաբար իրականացնել շրջակա միջավայրի բաղադրիչների մոնիթորինգ և արդյունքները ՀՀ կառավարության 2018թ. փետրվարի 22-ի N191-Ն որոշմամբ սահմանված ժամկետներում և ձևաչափով ներկայացնել շրջակա միջավայրի նախարարություն:



- Երկրաբանահետախուզական աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական միջոցառումների իրականացմանը, իսկ դրանց չբավարարման դեպքում՝ նախատեսել լրացուցիչ միջոցառումներ՝ ապահովելով բնապահպանական նորմերը:
- Անհրաժեշտ է ապահովել հայտում ամրագրված ռեկուլտիվացիայի աշխատանքների իրականացումը:
- Աշխատանքների իրականացման գործընթացում ներգրավել համայնքի և մոտակա համայնքների բնակիչներին, ինչպես նաև համայնքի ղեկավարության հետ քննարկել անհրաժեշտ օգնության ծրագրեր և համապատասխան ֆինանսական ներդրումներ կատարել համայնքային բյուջե:
- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն՝ աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմինն՝ համապատասխան պահպանման միջոցառումներ իրականացնելու համար:
- Աշխատանքների կատարման ընթացքում անհրաժեշտ է պահպանել առողջապահության նախարարի 2012 թվականի սեպտեմբերի 19-ի թիվ 15-Ն հրամանով հաստատված սանիտարական կանոնների և նորմերի պահանջները:

ԵԶՐԱՓԱԿԻՉ ՄԱՍ

«Արծաթե բանալի» ՍՊԸ-ի կողմից ներկայացված Շիրակի մարզի «Արծաթե բանալի» բազալտների երևակման 1-ին և 2-րդ տեղամասերի երկրաբանական ուսումնասիրության աշխատանքների վերաբերյալ տրվում է դրական եզրակացություն վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ՝

Գրիգոր Մինասյան

